

Deeqaha Haynta Shaqaalaha Daryeelka Ilmaha ee Magaalada Seattle Su'aalaha Badanaa La-iswaydiiyo ee Bixiyaasha Daryeelka Xanaanada Caruurta

1. Maxay tahay ujeedada deeqdiisu?

Ujeedada deeqdani waa in la siiyo taageero dhaqaaleed iyo aqoonsi barayaasha waxbarashada hore iyo shaqaalaha daryeelka carruurta kuwaas oo ka shaqaynayey barnaamijyada daryeelka ilmaha ee gudaha Magaalada Seattle.

Magaalada Seattle waxay u qoondaysay ilaa \$2.9 milyan Sanduuqa Guud ee Magaalada si ay u bixiso shaqaalaha u qalma ee Barnaamijyada Shatiga ka haysta Waaxda Carruurta iyo Dhallinta Qoyska (DCYF) ee ka shaqeeya barnaamijyada daryeelka carruurta qoyska (FCCs) iyo barnaamijyada xarunta ku salaysan. Lacagaha lagu bixiyo deeqdan waxa kaliya oo la siin doonaa barnaamijyada ku yaal gudaha xuduuda Magaalada Seattle.

Waaxda Waxbarashada Seattle iyo Waxbarashada Hore (DEEL) iyo Adeegyada Waxbarashada Hore ee BrightSpark ayaa iska kaashanaya abaal-marinta iyo bixinta lacagahan.

2. Yaa u qalma inuu codsado Deeqaha Haynta Shaqaalaha Daryeelka Ilmaha ee Seattle?

Codsiga lacagahan waa in uu soo gudbiyaa loo shaqeeyuhu. Xaaladda bixiyayaasha daryeelka ilmaha qoyska, kani waa qofka shatiga haysta. Ganacsiyada hela lacagahan ayaa mas'uul ka noqon doona inay u gudbiyaan shaqaalahooda.

Sharaxaada shaqaalaha u qalma:

Dhammaan shaqaalaha daryeelka carruurta ee ka shaqeeya goobta xarunta daryeelka carruurta ee shatiga ka haysata DCYF ama barnaamijka daryeelka carruurta qoyska ee ku dhex yaal xuddudaha magaalada Seattle, iyadoo aan loo eegin xaaladda shaqo ee waqti-buuxa ama waqti-dhiman, waxay xaq u leeyihiin lacagtan sii-haynta marka Dhamaan shuruudaha hoose sidoo kale ay buuxiyaan.

Shuruudo Dheeraad ah...

- Qofka shaqaalaha ah waa in uu ahaa shaqaale ka tirsan barnaamijka **Febraayo 3, 2025** ama ka hor, iyo wakhtiga codsiga la soo gudbiyay wuxuuna sii wadi doonaa inuu u shaqeeyo barnaamijka daryeelka ilmaha ee xaqa u leh.
- Qofku wali waa shaqaale ka tirsan barnaamijka daryeelka ilmaha ee u-qalma wakhtiga uu soo gudbinayo codsiga iyo waqtiga uu barnaamijku helayo Deeqaha Haynta

Shaqaalaha Daryeelka Ilmaha ee Seattle, iyo marka barnaamijku siinayo lacagtan shaqaalahooda u qalma.

- Qofka shaqaalaha ah waa inuu ka shaqeeyaa goobta, siiyaa daryeel toos ah carruurta, oo uu u adeegaa ama la shaqeeyaa carruurta inta badan waqtiga shaqadooda. Marka lagu daro macalimiinta fasalka, kaaliyeyaasha macalimiinta, iyo shaqaalaha waxbarida ee daboolaya fasallo badan, xubnaha shaqaalaha ee doorarka kale sida diyaarinta cuntada barnaamijka daryeelka ilmaha, gaadiidka carruurta ee ku qoran barnaamijka xanaanada carruurta, ama shaqaalaha maamulka ee taageera barnaamijka ayaa laga yaabaa in loo tixgeliyo u-qalmitaanka ilaa inta ay Goobta ka shaqaynayaan, waa shaqaale ka tirsan barnaamijka daryeelka ilmaha, waxayna buuxiyeen shuruudaha kale ee u-qalmitaanka. Doorarkaan dhamaantood *waxay u adeegaan* barnaamijka waxayna suurtaal galiyaan hawl galkiisa.
- Ilaa iyo inta uu shaqaaluhu ka shaqaynayo xarun daryeel ilmo oo ku taal xudduudaha magaalada Seattle, iyaga laftoodu uma baahna inay deganaadan Seattle.
- Barmaaniyada ka baxsan Seattle, Marka lagu daro aagagga ka tirsan King County, uma qalmaan fursadan deeq-lacageedka ah. Bixiyayaasha shatiga laga dhaafto ee ilmaha da'da dugsiya kaliya ee ka hawlgala xadka magaalada Seattle uma qalmaan. Daryeelayaasha Qoyska, Saaxiibka, iyo Deriska (FFN) uma qalmaan.

3. Waxaan ahay bixiyaha xanaanada carruurta qoyska oo si toos ah ula shaqeeya carruurta xarunteyda ay shatiga siisay DCYF. Ma dalban karaa lacagtan aqoonsiga nafteyda?

Haa. Uma baahnid inaad haysato shaqaale la shaqaaleeyay. Haddii aad tahay bixiye FCC ah oo si toos ah ula shaqeeya carruurta ama *u adeega* carruurta sida lagu qeexay su'aasha #2 ee sare oo ganacsigaaga shatiga ka haysta DCYF uu ku yaallo gudaha xudduudaha Magaalada Seattle, waxaad isku tirin kartaa inaad tahay shaqaale u qalma. Fadlan ogow, barnaamijka xanaanada cunugga qoyskaaga waa inuu lahaadaa shatiga DCYF oo furan ilaa **Febraayo 3, 2025**, si loo buuxiyo shuruudaha "shaqaaleysiinta" ee lagu qeexay #2 ee kore.

4. Markaan ahay daryeele ilmo qoys oo shati leh ama bixiye xarun ku saleysan, miyay tahay inaan iminka furnahay oo aan u adeego carruurta si aan ugu qalmo deeqdan?

Waa inaad hadda ahaataa mid furan oo carruur aqbala. Barnaamijkaaga waa in laga diiwaan gashan yahay oo uu u adeegay ugu yaraan hal ilmo 2025.

5. Maxay tahay lacagta hayntu (tusaale, deeqda) caddadka (tirsiga)?

Shaqaale kasta oo xannaano carruur leh oo la go'aamiyo inuu u qalmo wuxuu heli doonaa qadar isku mid ah. Barmaaniyada **loomo**ogola inay ka badiyaan mushaarka shaqaalaha xaqa u leh qaarka kale. Tan waxaa ku jira inaysan jirin wax farqi ah oo la ogol yahay shaqaalaha waqti-buuxa ah iyo kuwa waqti-dhiman, ama doorarka barnaamijka dhexdiisa. Tirada guud ee qof kasta la siiyay waxay ku xirnaan doontaa tirada guud ee shaqaalaha u qalma ee uu cadeeyay codsaduhu.

6. Maalgelintani ma tahay mid tartan ah? (Ma tahay sida loo kala hor codsaday haddii codsigayga marka hore la gudbiyo?)

Maya. Lacag-bixintu maaha mid tartan ah. Dhamaan codsadayaasha buuxiya shuruudaha u-qalmitaanka ee soo gudbiya dhamaadka xilliga codsiga waxaa loo tixgelin doonaa si isku mid ah.

7. Miyaa la iiga baahan yahay inaan u adeego qoysaska helaya kabka gobolka ee Xiriirka Shaqada ee Daryeelka Ilmaha ama laygu diiwaan galiyo Barnaamijka Kaalmada Daryeelka Ilmaha (CCAP) si aan ugu qalmo?

Maya. Bixiye xanaano cunug oo kasta oo haysta shatiga DCYF oo ku jira xadka magaalada Seattle wuu dalban karaa, haddii ay helaan ama yaysan helin kaalmooyinka Barnaamijka Kaalmada Daryeelka Ilmaha (CCAP).

8. Ma in aan ka diiwaan gashan ahayba Early Achievers si aan xaq ugu yeesho?

Maya. Tani maahan shuruud, mana la siin doono tixgelin dheeraad ah kuwa ka diiwaan gashan Early Achievers.

9. Maxaa loo isticmaali karaa lacagahan?

Lacagta waa in si toos ah loo siiyaa shaqaalaha xaqa u leh. Ujeedada Deeqda Haysashada Shaqaalaha Daryeelka Carruurta ee Seattle waa in la siiyo taageero maaliyadeed shaqaalaha daryeelka ilmaha. Deeqdan looguma talagelin in la siiyo taageere dhaqaale barnaamijka daryeelka ilmaha. Bixiyeyaasha waxaa looga baahan yahay inay dhowraan diiwaannada ku saabsan isticmaalka lacagaha, iyo in ay u keenaan diiwaannada magaalada haddii la codsado.

Deeqdani wax xaddidaad ah ma leh oo ku saabsan sida shaqaalaha la siiyay ee xaqa u leh ay u isticmaali karaan lacagaha loo soo dhiibay. Shaqaalaha helaya lacagahan loogama baahna inay xafidaan diiwaanka sida ay u kharash gareeyaan Lacag bixinta Haysashada Shaqaalaha Daryeelka Ilmaha ee Seattle.

Si aad u hesho lacag, bixiyeyaasha waa in, codsiga dhexdiisa, ay qiraan inay u isticmaalayaan lacagaha si waafaqsan Su'aalaha Badanaa LA-iswaydiiyo (FAQ) iyo wixii shuruudo dheeraad ah ee ku jira codsiga.

10. Miyaan u baahanahay inaan soo gudbiyo rasiidyada ama diiwaanada la xiriira deeqdan?

Barnaamijyada ayaa looga baahan yahay in ay xafidaan caddaymaha qaybinta lacagahan ee shaqaalaha xaqa u leh. Diiwaanadaan waxaa laga yaaba inay codsato Magaalada Seattle. Ilaa ay si gaar ah u codsato Magaalada Seattle, ma ahan wax shardi ah in la soo gudbiyo caddaynta lacag bixinta shaqaalaha.

11. Ka warran cashuuraha iyo kharashyada la xiriira helitaanka lacagahan?

Lacagta deeqda waxaa loo tixgeliyaa dakhli. Ujeedooyinka canshuuraha, deeqaha (ay ku jirto lacag-bixinta sii-haynta) waa in loola dhaqmo si la mid ah dakhliga kale ee uu helo ganacsigaaga.

Bixiyeyaasha waxay haysan karaan ilaa 15% lacagaha loo qoondeeyay in lagu daboolo kharashaadka ganacsiga ee u gudbinta lacagahan shaqaalahooda wixii canshuur ah iyo/ama khidmadaha maamulka. Haraaga harey waa in si toos ah loogu gudbiyo shaqaalahaaga iyadoo loo marayo nidaamka mushahaar bixinta ee caadiga ah ee barnaamijkaaga. Lacag bixinta waa in aan lagu bixin kaadhahka hadiyadda ama beddelka kale ee gudbinta mushaharka tooska ah. Fadlan la soco in haynta mushaar bixinta laga yaabaa in ay sii yareyso qaddarka lacag-siinta ugu dambaysa ee shaqaalaha gaarka ah.

Tusaale ahaan, aan sheegno in hay'addaadu ay 20 qof ku sheegtay codsiga, oo aad heshay \$5,000. Wakaaladaada waxaa loo ogolyahay inay dib u celiso ilaa 15% (tusaale ahaan, taasi waxay noqonaysaa \$750) si'ay u daboosho wixii cashuur ah ama kharashaadka maamulka ee u gudbinta tan jeegaga mushaharka shaqaalahaaga. Tani waxay ka dhigan tahay in barnaamijka tusaalahan ku jira uu ku qasban yahay inuu u gudbiyo ugu yaraan \$4,250 20 ka shaqaale ah, mid kasta wuxuu helayaa lacag isku mid ah ka hor inta aan laga jarin canshuurahooda iyo wax ka jaristooda.

Fadlan raadso talo lataliye cashuureed oo xirfad leh wixii ku saabsan saamaynta deeqdan ee ganacsigaaga gaarka ah.

12. Deeqaha ma loo bixin doonaa si buuxda?

Haa. Qadarka deeqda oo dhan horey baa lagugu abaal marin doonaa, ka dib marka codsiga la ogolaado. Bixiyeyaasha waxaa lagu siin doonaa lacag wareejin elektaroonig ah (EFT) ama jeeg. Bixiyeyaasha aan hore uga helin lacag-bixinta elektarooniga ah ee Adeegyada Waxbarashada Hore ee BrightSpark, oo hore u ahaan jiray Khayraadka Xannaanada Ilmaha, waxa la siin doonaa ikhtiyaarka ay ku ogolaadaan habka lacag bixintan. Lacagaha la siinayo bixiyeyaasha waxaa lagu qiyaasaa in la bixiyo laga bilaabo **Maarso 31, 2025**.

13. Goorma ayay tahay inaan lacagtan u gudbiyo shaqaalahayga?

Bixinta lacag-bixinta sii-haynta, iyada oo loo marayo nidaamka mushahar-bixinta caadiga ah ee barnaamijkaaga, waa in lagu dhammeeyaa labada wakhti ee mushahar-bixinta caadiga ah ee soo socda ka dib marka uu helo bixiyahu lacagta.

14. Ka warran haddii aan ahay hay'ad leh goobo badan oo xannaano carruur oo shati leh oo ku taal Seattle, ma u baahanahay in aan u soo gudbiyo codsi gooni u ah goob kasta?

Haa. Barnaamijyadu waxay liis garayn doonaan magacooda ganacsi iyo Lambarka# aqoonsiga ay bixisay DCYF oo qayb ka ah codsiga. Codsi kastaa waa inuu lahaadaa lambar aqoonsi oo DCYF ay bixisay oo gaar ah.

15. Waa maxay dukumeentiyada aan u baahanahay inaan soo gudbiyo?

Ogeysiiska abaalmarinta ka dib, waxaad u baahan doontaa inaad soo gudbiso W-9 oo dhammaystiran oo saxiixan iyo nuqul ka mid ah shatiga daryeelka ilmaha ee DCYF ee barnaamijkaaga. BrightSpark waxay ogeysiin doontaa codsadaayaasha haddii dukumeentiyadani ay hore ugu jireen faylka, ama haddii ay tahay in si gaar ah loo soo raaciyo codsiga deeqdan.

Heshiis ku xiran ayaa lagu dari doonaa codsiga deeqda. Codsadaayaashu waa inay doortaan "haa, waan ogolahay" ama luqad kasta oo xaqiijin ah oo ka muuqata foomka codsiga.

16. Maxaan u baahanahay inaan sameeyo haddii aan rabo in deeqdayda Haynta Shaqaalaha Daryeelka Ilmaha ee Seattle lagu soo diro bangigayga si elektaroonig ah?

Ma aha wax shuruud ah, mana jirto wax door ah oo la siiyay barnaamijyada doorta inay lacag ku qaataan si elektaroonik ah.

Barnaamijyada doonaya inay helaan lacag-bixinno elektaroonig ah balse aan weli heshiis lacag-bixineed oo elektaroonig ah la yeelan BrightSpark waa inay soo gudbiyaan foom ogolaanshaha

deebaajiga tooska ah oo dhammaystiran oo ay la socdaan jeeg madhan ama warqad bangigooda ka soo baxday oo xaqiijinaya xisaabtooda (account) iyo lambarrada marinka (routing number). Dukumeentiyan waa in si buuxda loo soo gudbiyaa ugu dambeyn **May 9, 2025**, si loo suurtageliyo habka lacag bixinta elektiroonigga ah. Barnaamijyada aan lahayn oggolaanshaha deebaajiga tooska ah ee loo baahan yahay iyo dukumeenti bangi oo ku jira galka BrightSpark waxay lacagahooda ku heli doonaan jeeg warqad ah beddelkeeda.

17. Sideen u codsadaa?

Codsiga waxaa loo qorsheeyay inuu diyaar ahaado **Febraayo 3-28, 2025**. Xiriirinta codsiga waxaa soo dhejin doonta Magaalada Seattle waxaana lagu daabici doonaa iimayl ay soo dirtay BrightSpark. Bixiyeyaasha waxay sidoo kale ku codsan karaan codsiga qaab pdf ah waxayna u diri karaan ciwaanka iimaylkan DEELfunding@seattle.gov. Codsiga waxaa lagu heli doonaa luqadaha soo socda: Amxaari, Carabi, Ingiriis, Shiine la fududeeyay, Oromo, Soomaali, Isbaanish, iyo Fiyatnaamiis.

18. Ma jirtaa wakhti kama dambays ah oo lagu codsanayo deeqdan?

Haa. Waqtiga kama dambaysta ah ee codsiga waa **Feebaraayo 28, 2025, markay tahay 11:59pm Saacadu waqtiga Baasifiga** .

19. Maxaa dhacaya haddii aan u baahdo caawimaad si aan u buuxiyo codsiga?

Haddii aad ka diiwaangashan tahay Early Achievers, waxaad la xiriiri kartaa tababarahaaga Waxbarashada Hore si uu kuu caawiyo. Haddii aadan ka diiwaan gashanayn Early Achievers ama aadan garanaynin qofka tababarahaagu yahay, fadlan kala xidhiidh Khadka Bixiyaha ee BrightSpark 1-800-446-1114, dooro doorashada 2. Su'aalaha sidoo kale waxaa lagu hagaajin karaa shaqaalaha BrightSpark ee jooga grants@childcare.org.

20. Sidee iyo goormaan heli doonaa ogaysiis haddii laygu abaal mariyo lacagta Deeqaha Haynta Shaqaalaha Xannaanada Carruurta ee Seattle?

Dhamaan bixiyeyaasha arjiga soo gudbiyay waxaa lagu ogeysiin doonaa xaladda abaal-marintooda email ahaan. Ogeysiisyada abaalmarinta waxaa la diri doonaa **bartamaha Maarso, 2025**. Qadarka lacag bixinta iyo tirada shaqaalaha xaqa u leh ayaa lagu qori doonaa ogeysiiska abaalmarinta.

Lacagaha la siiyo bixiyeyaasha waxaa lagu qiyaasaa in la bixiyo laga bilaabo **Maarso 31, 2025**.

21. Maxaa dhacaya haddii shaqaale ka tago barnaamijkayga ka dib markii codsiga la gudbiyay?

Haddii shaqaalaha lagu tiriyaa inay u qalmaan codsiga aanay hadda ka shaqaynayn goobtaada daryeelka ilmaha, oo tani ay u dhiganto 25% ama ka yar tirada shaqaalaha aad u aqoonsatay inay u qalmaan, barnaamijku waa inuu ugu qaybiya, si isku mid ah, qadarka deeqda haysashada shaqaalaha Daryeelka Ilmaha oo dhan shaqaalaha u-qalma ee hadda shaqeeya. Fadlan ogow, si aad xaq ugu yeelato, xubinta shaqaaluhu waa inuu buuxiyaa dhamaan shuruudaha u-qalmiitaanka ee su'aasha #2 ee sare, oo ay ku jirto in la shaqaaleysiiyay **Feebaraayo 3, 2025** ama ka hor.

Haddii in ka badan 25% xubnaha shaqaalaha lagu soo sheegay inay xaq u leeyihiin codsiga, oo aanay hadda ka shaqayn barnaamijkaaga, lacagta lagugu abaalmariyey waxay u baahan doontaa in dib loo xisaabiyo oo waa inaad la xiriirtaa DEELfunding@seattle.gov.